

**STATUTI**  
**I SHOQERISE ME PERGJEGJESI TE KUFIZUAR**  
**" Gjeçaj.AL"**

Ne Tirane sot me date 01.03.2024, ne mbështetje te Ligjit Nr. 9901 date 14.04.2008 "Për Tregtaret dhe Shoqëritë Tregtare", te ligjit Nr. 7850 date 29.07.1994 "Për Kodin Civil te Republikës se Shqipërisë",

**GJEÇAJ AIDA**, e bija e Lin dhe i Fatbardha, lindur me 17.03.1983 ne Tropojë dhe banuese në Theth Shkodër, me zotësi te plote për te vepruar, shtetas shqiptar, identifikuar sipas kartës se identifikimit me **I35317162S**.

Me vullnetin tim te lire vendosa themelimin e Shoqërisë me Përgjegjësi te Kufizuar "**Gjeçaj.AL**" **SHPK**, me cilësinë e ortakut te vetëm duke përcaktuar te drejtat dhe detyrimet ne këtë statut si me poshtë:

**KAPITULLI I**  
**FORMA, EMËRTIMI, OBJEKTI, SELIA, KOHËZGJATJA**

**NENI 1**

**Forma**

- 1.1 Shoqëria "**GJEÇAJ.AL**" Shpk (në vijim "Shoqëria") krijohet në formën e një shoqërie me përgjegjësi të kufizuar, dhe veprimtaria e saj rregullohet me anë të këtij Statuti.
- 1.2 Shoqëria vepron sipas ligjit Nr.9901 date 14.04.2008 "Për Tregtaret dhe Shoqëritë Tregtare", ligjit Nr.7850 date 29.07.1994 "Për Kodin Civil te Republikës se Shqipërisë" si dhe gjithë legjislacionit Shqiptar ne fuqi.
- 1.3 Statuti është në përputhje me legjislacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në to, plotësohen nga legjislacioni shqiptar.

**NENI 2**

**Emërtimi**

- 2.1 Emërtimi i Shoqërisë është "**GJEÇAJ.AL SH.P.K**
- 2.2 Shoqëria ka vulën dhe logon e saj identifikuese, ne formën dhe e caktuar nga ortaku i vetëm.

**NENI 3**

**Objekti i shoqërisë**

- 3.1 Objekt i veprimtarise se shoqerise "**GJEÇAJ.AL**" shpk është ne perputhje me legjislacionin tregtar aktual Shqiptar dhe do te jetë:

**1. Ne fushen e turizmit shoqëria do te kryejë:** "Akomodim turistik strukture akomoduese - Vila Gjeçaj në pronësi, Agjenci udhëtimi, tur operator, menaxhim restoranti dhe hoteli, mirëmbajtje faqe interneti, marketim turizmi dhe hotelerie, konsulencë financiare për biznesin e vogël, konsulencë juridike, studimin, projektimin, konsulencen, sipermarrjen zbatuese dhe/ose investimin, sipas rastit, për realizimin me fonde publike dhe/ose jopublike të infrastruktures dhe/ose të pjeseve perberese të saj, për shfrytëzimin njëzë me karakter pushues, argetues, edukues dhe/ose kurues, të burimeve natyrore, kulturore, mjedisore kurative, të Shqipërisë dhe me gjere, për realizimin e hotelerisë, fshate turistike, qendra turistike e të tjera dhe krijimin e faciliteteve dhe aksesoreve të nevojshem, si bar bufe-restorante, qendra estetike, palestra fitnesi, njesi të shitjeve të konfeksioneve dhe prodhimeve ushqimore e industrial e të tjera të kesaj natyre; Krijimin e agjencive turistike e të tjera.

**2. Ne fushen e transportit, shoqëria do te kryejë:** Studimin, projektimin, konsulencen, sipermarrjen zbatuese dhe/ose investimin, sipas rastit, për realizimin me fonde publike dhe/ose jopublike të infrastruktures dhe/ose të pjeseve perberese të saj, për transportimin publik dhe/ose privat të njerezve dhe mallrave si dhe tranzitimin e tyre përgjate territorit të Shqipërisë nepermjet transportit rrugor, hekurudhor, ajror, ujor, teleferik etj. Shoqëria gjithashtu do të kryejë dhe duke mos u kufizuar vetem në, aktivitetet e mëposhtme: - Ngarkim dhe shkarkim të anijeve; Pritje dhe levrime të ngarkesave nga dhe për në anije; Stivim, depozitim, transportim, etiketim, ambalazhim, lidhje, numerim, pritje, perpunim, dhe levrime të ngarkesave nga dhe neper anije.- Sipermarrje dhe realizimi i çfaredolloj aktiviteti të ligjshem lidhur dhe në shërbim të ngarkimit dhe shkarkimit të anijeve në cdo vendankorim, në porte. - Sipermarrje, përgatitje dhe realizim i procesit të ngarkimit dhe të shkarkimit të kontenierëve, të mjeteve të tjera transportuese, të anijeve, në interes dhe për llogari të pronarit të anijes, përgjithesisht të mjetit transportues, në interes dhe për llogari të pronarit të ngarkesës dhe/ose të porositesit të automjeteve/ trenit, anijes 3 apo porositesve të tjere të ligjshem.- Sipermarrje dhe realizim i ndërmjetesimit dhe transportit, ngarkimit dhe shkarkimit të mallrave me tren e automjete në interes dhe për llogari të shoqërisë dhe të Porositesve, persona të trete.- Ngarkim dhe shkarkim i trenave; Pritje dhe levrime të ngarkesave nga dhe për në stacionet e destinuara; Stivim, depozitim, transportim, etiketim, ambalazhim, lidhje, numerim, pritje, perpunim dhe levrime të ngarkesave nga dhe për transport hekurudhor dhe tokësor; - Sipermarrje dhe realizimi i punëve të ndërmjetesimit, agjencise dhe transportit në interes të vete shoqërisë ose të paleve të treta porositesë.

**3. Në fushën e ndërtimit shoqëria do te kryejë:** Studimin, projektimin, konsulencen, sipermarrjen zbatuese dhe/ose investimin, sipas rastit, për realizimin me fonde publike dhe/ose jopublike të veprave me karakter shfrytëzimi dhe/ose administrimi, publike dhe/ose private si: ndërtimin e ndërtesave publike dhe private, rrugëve, urave, tuneleve, mbikalimeve e nënkalimeve, autostradave, traseve hekurudhore, dhe të gjitha veprave të tjera madhore, ujësjellësve, Ujrave mbitokësore dhe nëntokësore për energji dhe telekomunikacionet, ndërtimin dhe rehabilitimin e veprave ujëtare, centralet, objektet turistike, objektet ushtarake, objektet e kultit, rrjetet inxhinierike, portet, aeroportet, objektet industriale, të gjitha restaurimet në përgjithësi, rikonstruksione të veprave të artit, montimet e konstruksioneve metalike; si dhe cdo ndërtim tjetër i cili në përfundim përben send të paluajshëm sipas nenit

H2 te Kodit Civil për shkak te trupëzimit ne mënyre te qëndrueshme e te vazhdueshme me token ose ndërtesën ku është vendosur.

4. Ne fushën e mjedisit shoqëria do te kryeje: Studimin, projektimin, konsultencen, sipërmarrjen zbatuese dhe/ose investimin, sipas rastit, për realizimin me fonde publike dhe/ose jopublike te mbrojtjes dhe ose përmirësimit si dhe rehabilitimit te kushteve te mjedisit rrethues; përpunimin e mbetjeve urbane, toksike, radioaktive, teknologjike si dhe mbetje te çdo lloji tjetër, trajtimi i ujerave industriale, projektimin, mbikëqyrjen ne fushën e kërkimit dhe shfrytëzimit te lendes drusore, trajtimin dhe mbrojtjen e pyjeve, riaftësimin dhe trajtimin e tokave te kripura e kënetave si dhe çdo veprimtari qe ka rendësi për shoqërinë.

5. Në fushën e prodhimit.

6. Në fushën e shërbimeve.

7. Në fushën e botimeve publikimeve dhe reklamave.

8. Në fushën e tregtisë.

9. Në fushën e Telekomunikacionit.

10. Ne fushën e Energjisë, aktivitetin e tregtimit me pakice te karburanteve, mbajtjen e depozitave te karburanteve për efekt te aktivitetit te shoqërisë për tregtimin dhe përdorimin e karburanteve për shkak te veprimtarisë se saj.

3.3. Objekti i shoqërisë mund te ndryshohet dhe/ose shtohet me vendim të Asamblesë së Përgjithshme te Aksionareve.

3.4. Shoqëria mund te ushtroje veprimtari te tjera plotësuese qe janë te dobishme ose te nevojshme për realizimin e objektit të saj, ne përputhje me ligjin shqiptar.

3.5. Shoqëria do të bashkëpunojë me persona te tjetër fizikë ose juridikë që ushtrojnë të njëjtën veprimtari në Shqipëri ose jashtë saj.

#### NENI 4

##### Selia

4.1 Selia e Shoqërisë është në adresën Rruga " *Nikgjonaj*", *Godinë 2-katëshe, Nr.18, Ap.1, H1, Qendër, Theth, 4027, Njësia Administrative Shalë, Shkodër.*

4.2 Transferimi selisë së Shoqërisë ne një vend tjetër behet me vendimin e Asamblesë së Përgjithshme.

4.3 Asambleja e Përgjithshme mund te vendose hapjen e degëve dhe përfaqësive të Shoqërisë në qytete të tjera të Shqipërisë si edhe jashtë saj.

#### NENI 5

##### Kohëzgjatja e veprimtarisë

5.1. Kohëzgjatja e Shoqërisë "Gjeçaj.AL" SHPK është e pakufizuar dhe fillon ne momentin e Regjistrimit ne Qendrën Kombëtare te Biznesit sipas ligjit, nr. 9901 date 14.04.2008 "Për Tregtaret dhe Shoqëritë Tregtare".

5.2. Shoqëria me përgjegjësi të kufizuar " Gjeçaj.AL" Shpk, prishet:

5.2.1. Me vendim të asamblesë së përgjithshme.

5.2.2. Me hapjen e procedurave të falimentimit.

5.2.3. Nëse nuk ka kryer veprimtari tregtare per dy vjet dhe nuk është njoftuar pezullimi i veprimtarisë ne përputhje me piken 3 te nenit 43 te ligjit Nr. 9723 date 03,05.2007 "Për Qendrën Kombëtare te Regjistrimit".

5.2.4. Me vendim te gjykatës.

5.2.5. Për arsye te tjera të parashikuara në statut.

## KAPITULLI II

### KAPITALI THEMELTAR, KONTRIBUTET, NDARJA E PJESËVE TË KAPITALIT

#### NENI 6

#### Kapitali themeltar

6.1. Kapitali themeltar i shoqërisë " GJEÇAJ.AL" është 1 000 000 lekë.

6.2. Kapitali themeltar i shoqërisë përbehet nga 1000 000 lekë dhe përbëhet nga 1 (një)kuotë me vlerë nominale 1 000 000 lekë

#### NENI 7

#### Kontributet

7.1. Sipas kontributeve të mësipërme: Ortaku i vetëm GJEÇAJ AIDA është mbajtës 100% te kuotave te kapitalit themeltar qe përbejnë 1 (një) kuotë me vlerë nominale 1 000 000 lekë.

#### NENI 8

#### Rritja e kapitalit themeltar

8.1 Kapitali themeltar mund te rritet pa kufi në cdo moment me vendim të Asamblesë se Përgjithshme.

8.2 Ne rast rritjeje të kapitalit, ortaku ka te drejte të nënshkruajë rritjen raport me pjesët e kapitalit të zotëruara prej tij.

#### NENI 9

#### Zvogëlimi i kapitalit themeltar

9.1 Shoqëria mund të zvogëlojë kapitalin themeltar me vendimin e Asamblesë së Përgjithshme. Në çdo rast kapitali themeltar nuk mund zvogëlohet nën kufijtë e parashikuar nga ligji.

9.2 Zvogëlimi i kapitalit përballohet nga ortaku në të njëjtën masë me pjesët e kapitalit të zotëruara prej tij.

## NENI 10

### **Transferimi i pjesëve të kapitalit dhe e drejta e parablerjes**

10.1. Pjesët e kapitalit janë lirisht të transferueshme nga ortaku tek persona fizik apo persona juridik dhe të tjerë.

10.2. Në një rast të tillë ortaku që do të transferojë pjesët e tij të kapitalit duhet t'i njoftojë ortakët e tjerë nëse do të ketë shoqëria, me letër rekomande me konfirmim marrje në dorëzim, mbi synimin për shitjen, çmimin, kushtet, modalitetet, emrin e blerësit dhe afatet e transferimit. E drejta e parablerjes i referohet të gjitha pjesëve të kapitalit ofruar për shitje.

10.3. Ortaket nëse do të ketë shoqëria, do të kenë në dispozicion 15 (pesëmbëdhjetë) ditë nga marrja e letrës rekomande me konfirmim marrje në dorëzim, për t'i komunikuar ortakut që transferon pjesët e kapitalit, synimin e tyre për të ushtruar apo jo të drejtën e parablerjes. Në rast se ata nuk përgjigjen në afatin e caktuar, prezumohet se kanë hequr dorë nga e drejta e tyre e parablerjes.

10.4. Në rast se oferta pranohet nga disa ortakë nëse do të ketë shoqëria, pjesët e kapitalit të ofruara nga ortaku që transferon pjesët e kapitalit, do të ndahen nga ortakët pranues, në masë proporcionale me pjesët që ata zotërojnë, përveç rastit kur ka një marrëveshje ndryshme ndërmjet palëve. Në asnjë rast, pranuesi i ofertës nuk mund të ushtrojë pjesërisht të drejtën e parablerjes.

10.5. Në rast se nuk ushtrohet e drejta e parablerjes, pjesët e kapitalit mund të transferohen të tretëve plotësisht apo pjesërisht.

10.6. Në rast të transferimit të pjesëve të kapitalit për shkak trashëgimie kuotat do të regjistrohen në bazë të nenit 43 të ligjit "Për Qendrën Kombëtare të Regjistrimit"

## KAPITULLI III

### **ASAMBLEJA, ADMINISTRATORËT DHE EKSPERTI KONTABËL**

## NENI 11

### **Asambleja e Përgjithshme dhe kompetencat e saj**

11.1. Organi vendimmarrës i Shoqërisë është Asambleja e Përgjithshme.

11.2. Asambleja e përgjithshme e shoqërisë është përgjegjëse për marrjen e vendimeve të mëposhtme:

- 11.2.1 Përcaktimin e politikave tregtarë të shoqërisë
- 11.2.2 Ndryshimin e statutit.
- 11.2.3 Emërimin dhe shkarkimin e administratoreve
- 11.2.4 Emërimin dhe shkarkimin e likuiduesve dhe të ekspertëve kontabëlë të autorizuar.
- 11.2.5 Përcaktimin e shpërblimeve për personat e përmendur në nenet 11.2.3 dhe 11.2.4 të këtij neni.
- 11.2.6 Mbikëqyrjen dhe zbatimin e politikave tregtarë nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë.
- 11.2.7 Miratimin e pasqyrave financiare vjetore dhe të raporteve të ecurisë së veprimtarisë. Zmadhimin dhe zvogëlimin e kapitalit.
- 11.2.9 Pjesëtimin e kuotave dhe anulimin e tyre.
- 11.2.10 Përfaqësimin e shoqërisë në gjykate dhe në procedimet e tjera ndaj administratoreve.
- 11.2.11 Riorganizimin dhe prishjen e shoqërisë.
- 11.2.12 Miratimin e rregullave procedurale të mbledhjeve të asamblesë,
- 11.2.13 Çështje të tjera të parashikuara nga ligji apo statuti.
- 11.2.14 Asambleja e përgjithshme merr vendime për çështjet e përcaktuara në nenet 11.2.7 dhe 11.2.8 të këtij-statuti pas marrjes dhe shqyrtimit të dokumenteve përkatës.

## NENI 12

### **Thirrja e Asamblesë së Përgjithshme**

- 12.1 Asambleja e Përgjithshme mbledhet në rastet e përcaktuara nga ligji Nr. 9901 date 14.04.2008 "Për Tregtarët dhe Shoqëritë Tregtare, dhe sa here de mbledhja është e nevojshme për të mbrojtur interesat e shoqërisë. Mbledhja e zakonshme e asamblesë së përgjithshme thirret të paktën një herë në vit.
- 12.2 Asambleja e Përgjithshme thirret nga administratorët apo ortakët e përcaktuar sipas ligjit Nr. 9901 date 14.04.2008 "Për Tregtarët dhe Shoqëritë Tregtare".
- 12.3 Asambleja e Përgjithshme thirret nëse sipas bilancit vjetor apo raporteve financiare rezultojnë ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- 12.4 Asambleja e Përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5% të aseteve të shoqërisë që rezultojnë në pasqyrat e fundit financiare të certifikuar.
- 12.5 Asambleja e Përgjithshme thirret kur shoqëria brenda dy viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5% e aseteve të shoqërisë, që rezultojnë në pasqyrat e fundit financiare të certifikuar.
- 12.6 Asambleja e Përgjithshme për rastet e parashikuara në nenet 13.3 dhe 13.5 të statutit i paraqitet një raport nga një ekspert kontabël autorizuar, i pavarur. Dispozitat e neneve 13,3

dhe 13.5 te këtij statuti nuk zbatohen nëse blerjet sipas këtyre parashikimeve kryhen ne burse, ose janë pjese e veprimeve te përditshme te shoqërisë dhe behën ne kushte normale tregu.

**12.7** Vendimet e Asamblesë së Përgjithshme duhet të nënshkruhen nga Kryetari i Asamblesë dhe nga Sekretari.

### NENI 13

#### **Mënyra e thirrjes se Asamblesë**

**13.1** Asambleja e Përgjithshme thirret nëpërmjet një njoftimi me shkresë "I" ose një njoftimi nëpërmjet postes elektronike. Njoftimi me shkresë ose apo me mesazh elektronik duhet te përmbajë vendin, datën, orën e mbledhjes dhe rendin e ditës e tu dërgohet te gjithë ortakeve jo me vonë se 7 dite përpara datës se parashikuar për mbledhjen e asamblesë.

**13.2** Kur asambleja e përgjithshme nuk është thirrur sipas parashkrimeve te këtij statuti, ajo mund te marre vendime te vlefshme vetëm nëse te gjithë ortakët nëse ka shoqëria, janë dakord, për te marre vendime pavarësisht parregullsisë. Nëse shoqëria nuk ka ortake ajo merr vendime sipas parashkrimeve te mësipërme.

### NENI 14

#### **Kërkesa nga ortakët e pakicës për te thirrur asamblenë**

**14.1** Ortakët nëse do te ketë shoqëria te cilët përfaqësojnë te paktën 5 % te totalit te votave ne asamblenë e përgjithshme te shoqërisë, apo një pjese me te vogël te parashikuar ne statut, mund ti drejtojnë administratoreve një kërkesë me shkrim, përfshire posten elektronike për te thirrur asamblenë e përgjithshme dhe/ose përfshirjen e çështjeve te posaçme ne rendin e ditës. Kërkesa duhet te përmbajë arsyet, objektivat dhe çështjet për te cilat asambleja duhet të marre një vendim. Nëse kërkesa refuzohet, këta ortake kane te drejte te thërrasin asamblenë dhe te caktojnë çështjet e rendit te ditës, ne përputhje me parashikimet e këtij statuti.

**14.2** Nëse ne kundërshtim me nenin 15.1 te këtij statuti, asambleja e përgjithshme nuk thirret, ose çështja e kërkuar prej këtyre nuk futet ne rendin e ditës, secili prej ortakeve nëse do te ketë shoqëria, qe kane bere kërkesën ka te drejte:

**14.2.1** Te ngrëjë padi ne gjykate për te deklaruar shkeljen e detyrimit te besnikërisë, nëse administratoret nuk përmbushin kërkesat e ortakeve brenda 15 ditëve.

**14.2.2** Ti kërkojë shoqërisë blerjen e kuotave, te zotëruara prej tyre.

**14.3** Ne rastet kur rendi i ditës ndryshohet, sipas parashikimeve te neneve **15.1** dhe **15.2**, **15.2.1**, **15.2.2** te këtij statuti dhe thirrja i është njoftuar ortakut te vetëm, administratoret njoftojnë përsëri rendin e ditës te ndryshuar ne përputhje me parashikimet e e nenit 14.1 te këtij statuti.

14.4 Përfaqësuesi i autorizuar është i detyruar të deklarojë çdo fakt apo rrethane, të tilla që sipas gjykimit të ortakut të përfaqësuar, rrezikon të ndikojë në vendimmarrjen e përfaqësuesit për interesa të tjera të ndryshëm nga ata të ortakut të përfaqësuar.

#### NENI 15

##### **Përfaqësimi në Asamble**

15.1. Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një personi i tretë.

15.2. Administratorët e shoqërisë nuk mund të veprojnë si përfaqësues të ortakeve në asamblenë e përgjithshme.

15.3. Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjes vijuese me të njëjtin rend dite.

#### NENI 16

##### **Kuorumi për marrjen e Vendimeve**

16.1. Në rastin e marrjes së vendimeve që kërkojnë një shumicë të zakonshme asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% të kuotave. Në rastin kur asambleja e përgjithshme duhet të vendosë për çështje të cilat kërkojnë shumicë të kualifikuar, sipas ligjit Nr. 9901 datë 14.04.2008 "Për Tregtarët dhe Shoqëritë Tregtare", neni 87, ajo mund të marrë vendime të vlefshme vetëm nëse ortakët që zotërojnë më shumë se gjysma e numrit total të votave janë të pranishëm personalisht, votojnë me shkrese, apo mjete elektronike, sipas parashikimeve të ligjit Nr. 9901 datë 14.04.2008 "Për Tregtarët dhe Shoqëritë Tregtare" neni 88 pika 3.

16.2. Nëse asambleja e përgjithshme nuk mund të mbledhet për shkak të mungesës së kuorumit të përmendur në nenin 17,1 të këtij statuti, nëse shoqëria do të ketë ortake, asambleja mbledhet përsëri jo më vonë se 30 ditë, me të njëjtin rend dite.

#### NENI 17

##### **Marrja e Vendimeve nga Asambleja e Përgjithshme**

17.1 Me përjashtim të rasteve kur statuti parashikon një shumicë më të lartë, asambleja e përgjithshme vendos me % e votave të ortakeve pjesëmarrës nëse ka, siç përcaktohet në nenin 86, pika 1 e ligjit Nr. 9901 datë 14.04.2008 "Për Tregtarët dhe Shoqëritë Tregtare" për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

17.2. Me përjashtim të rasteve kur parashikohet ndryshe në ligj ose në statut për çështjet e tjera të parashikuara në nenin 81 të ligjit Nr.9901 datë 14.04.2008 "Për Tregtarët dhe



Shoqëritë Tregtare, asambleja e përgjithshme vendos me shumicën e votave të ortakeve pjesëmarrës.

17.3. Me përjashtim të rasteve kur parashikohet ndryshe në ligj, vlefshmëria e vendimeve që përcaktojnë detyrime shtese mbi ortakët, apo vendimet që kufizojnë të drejtat e tyre, të parashikuara në ligjin Nr.9901 datë 14.04.2008 "Për Tregtarët dhe Shoqëritë Tregtare", ose në statut, kushtëzohet nga miratimi i ortakut përkatës.

## NENI 18 E Drejta e Votës

18.1. Me përjashtim të rasteve kur parashikohet ndryshe në statut, çdo kuote jep të drejtën e një vote.

18.2. Ortakët, nëse do të ketë, që nuk janë të pranishëm në mbledhjen e asamblesë së përgjithshme kanë të drejtë të marrin pjesë me mjete të ndryshme komunikimi përfshirë mjetet elektronike, me kusht që të garantohet identifikimi i ortakeve.

18.3. Mjetet elektronike përfshijnë, por pa u kufizuar në to:

18.3.1. Transmetimin e mbledhjes së asamblesë së përgjithshme në kohë reale.

18.3.2. Komunikimin e ndërsjellët në kohë reale, i cili u mundëson ortakeve të shprehen përmbledhjen e asamblesë së përgjithshme nga një vendndodhje tjetër.

18.3.3. Mekanizma, që mundësojnë procesin e votimit përpara apo gjatë mbledhjes së mbledhjes së asamblesë së përgjithshme, pa qene nevoja të caktohet një përfaqësues i autorizuar, për të marrë pjesë fizikisht në mbledhje.

18.4. Ortaku i vetëm ka të drejtën që i njihet nga ligji Nr. 9901 datë 14.04.2008 "Për Tregtarët dhe Shoqëritë Tregtare" apo statuti i shoqërisë, për të marrë unanimisht çdo vendim, me kusht që kjo marrëveshje të bëhet me shkrim.

## NENI 19 Përjashtimi nga e drejta e votës

19.1. Ortaku nuk mund të ushtrojë të drejtën e votës nëse asambleja e përgjithshme merr vendim për:

19.1.1. Vlerësimin e veprimtarisë së tij.

19.1.2. Shuarjen e ndonjë detyrimi në ngarkim të tij.

19.1.3. Ngritjen e një padie ndaj tij nga shoqëria.

19.1.4. Dhënien ose jo të përfitimeve të reja.

19.2. Kur ortaku përfaqësohet nga një përfaqësues i autorizuar, i autorizuar vlerësohet të jete në të njëjtin konflikt të interesi, ashtu si dhe ortaku të cilin përfaqëson.

## NENI 20

### Procesverbali i Mbledhjes se Asamblesë

20.1 Vendimet e asamblesë së përgjithshme duhet të regjistrohen në proces verbal. Administratoret përgjigjen për ruajtjen e kopjeve te proces verbalësh të mbledhjeve te asamblesë se përgjithshme.

20.2 Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit le procesverbalit, rezultatet e votimit.

20.3 Procesverbalit i bashkëlidhet edhe lista e pjesëmarrësve, si edhe akti i thirrjes se asamblesë se përgjithshme.

20.4 Procesverbali i mbledhjes nënshkruhet nga kryetari dhe nga mbajtësi procesverbalit

## NENI 21

### Administratoret

21.1. Asambleja e përgjithshme emëron një ose më shume persona fizik si administratore te shoqërisë. Afati i emërimit është 5 vjet me te drejte ripërtëritje.

21.2. Administrator i Shoqërisë " Gjeçaj.AL" shpk emërohet GJEÇAJ AIDA me një afat 5 vjeçar me te drejte ripërtëritje.

21.3. Administratoret kane te drejte dhe detyrohen:

21.3.1. Te kryejnë te gjitha veprimet e administrimit te veprimtarisë tregtare te shoqërisë, duke zbatuar politikat tregtare te vendosura nga asambleja e përgjithshme.

21.3.2. Te përfaqësoje shoqërinë tregtare.

21.3.3. Te kujdesen për mbajtjen e sakte dhe te rregullt te dokumenteve dhe librave kontabël te shoqërisë.

21.3.4. Të përgatisin dhe nënshkruajnë bilancin vjetor, bilancin e konsoliduar dhe raportin e ecurisë se veprimtarisë dhe, se bashku me propozimet për shpërndarjen e fitimeve, i paraqesin këto dokumente përpara asamblesë se përgjithshme për miratim.

21.3.5. Të krijojnë një sistem paralajmërimi ne kohën e duhur për rrethanat, qe kërcënojnë mbarëvajtjen e veprimtarisë dhe ekzistencën e shoqërisë.

21.3.6. Të kryejnë regjistrimet dhe të dërgojnë te dhënat e detyrueshme te shoqërisë, siç parashikohet ne ligjin për Qendrën Kombëtare te Regjistrimit.

21.3.7. Te raportojnë para asamblesë te përgjithshme ne lidhje me zbatimin e politikave tregtare dhe me realizimin e veprimeve te posaçme me rendësi te veçantë për veprimtarinë e shoqërisë tregtare.

21.3.8. Te kryejnë detyra te tjera te përcaktuara ne ligj dhe ne statut.

21.3.9. Administraton mund te emërojnë përfaqësues të posaçëm për veprime apo kategori të caktuara veprimesh.

21.4. Asambleja e përgjithshme mund të shkarkojë administratorin në çdo kohë me shumicë të zakonshme, Statuti apo marrëveshje të tjera nuk mund të kufizojnë këtë të drejtë.

## NENI 22 Përfaqësimi

22.1 Shoqëritë Tregtare përfaqësohen sipas rregullave të përcaktuara në ligjin Nr. 9901 datë 14.04.2008 "Për Tregtarët dhe Shoqëritë Tregtare" dhe të dispozitave të këtij statuti. Përfaqësimi ligjor i shoqërisë është vlefshëm për çdo veprim gjyqësor apo jashtë gjyqësor.

22.2 Tagrat e përfaqësimit të administratoreve dhe çdo ndryshim i tyre njoftohen për regjistrim pranë Qendrës Kombëtare të Biznesit.

## NENI 23 Prishja e Shoqërisë

23.1. Shoqëria me përgjegjësi të kufizuar prishet;

23.1.1. Kur mbaron kohëzgjatja e parashikuar në themelimin e saj;

23.1.2. Me vendim të asamblesë së përgjithshme

23.1.3. Me hapjen e procedurave të falimentimit.

23.1.4. Nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit Nr. 9723 datë 03.05.2007 "Për Qendrën Kombëtare të Regjistrimit".

23.1.5. Me vendim të gjykatës

23.1.6. Për arsye të tjera të parashikuara në statut.

## NENI 24 Regjistrimi i Shpërbërjes

24.1. Administratoret regjistrojnë prishjen e shoqërisë pranë Qendrës Kombëtare të Biznesit në përputhje me ligjin nr. 9723 datë 03.05.2007 "Për Qendrën Kombëtare të Regjistrimit".

24.2. Nëse prishja e shoqërisë bëhet me vendim gjykate: gjykata në përputhje me ligjin Nr. 9723 datë 03.05.2007, "Për Qendrën Kombëtare të Regjistrimit", neni 45, ia njofton vendimi Qendrën Kombëtare të Regjistrimit për regjistrim.

## NENI 25 Largimi i ortakut për shkaqe të arsyeshme

25.1. Ortaku mund të largohet nga shoqëria nëse ortakët e tjerë nëse ka, ose shoqëria ka kryer veprime në dem të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera që e bëjnë të pamundur vazhdimin e ortakërisë.

25.2. Ortaku nëse shoqëria është me disa ortakë, që kërkon largimin, duhet të njoftojë shoqërinë me shkrim, si dhe të parashtrijë shkaqet e largimit.

25.3. Administratoret duhet të thërrasin mbledhjen e asamblesë së përgjithshme menjëherë pasi të kenë marrë dijeni për njoftimin e largimit, sipas parashikimeve të nenit 26.2 të statutit, për të vendosur nëse ortakut do të likuidohet kuota, si pasoje e largimit për shkaqe të arsyeshme.

25.4. Ortaku që kërkon largimin nga shoqëria, detyrohet të dëmshpërblejë shoqërinë për demet e shkaktuara, nëse rezulton se largimi është kryer në beze të shkaqeve të paarsyeshme.

## NENI 26

### **Përfshirja e Ortakut**

26.1. Asambleja e përgjithshme në bazë të një vendimi të zakonshëm mund të kërkojë gjykatës përfshirjen e ortakut nëse shoqëria është me disa ortakë, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përfshirje.

26.2. Do të konsiderohen shkaqe të arsyeshme për përfshirjen e ortakut por pa u kufizuar në to, rastet kur ortakut:

26.2.1. Me dashje apo me pakujdesi të rëndë i shkakton dëme shoqërisë ose ortakëve të tjerë.

26.2.2. Me dashje apo me pakujdesi të rëndë shkel statutin ose detyrimet e përcaktuara me ligj.

26.2.3. Përfshihet në veprime, të cilat e bëjnë të pamundur vazhdimin e marrëdhënieve midis shoqërisë tregtare dhe ortakut, ose

26.2.4. Me veprimet e tij dëmton ose pengon ndjeshëm veprimtarinë tregtare të shoqërisë

## NENI 27

### **Eksperti kontabël i autorizuar**

27.1. Eksperti Kontabël i Autorizuar emërohet nga Asambleja e Përgjithshme ose me Vendim Gjykatë për kontrollin e bilanceve, librave kontabël të Shoqërisë etj.

27.2. Eksperti kontabël i autorizuar mund të shkarkohet në çdo moment sipas mënyrave të parashikuara nga legjislati në fuqi.

## KAPITULLI IV

### **VITET FINANCIAR, BLANCI VJETOR, SFIPERNDARJA E FITIMEVE**

## NENI 28

## Viti financiar dhe bilanci vjetor

- 28.1. Ushtrimi financiar fillon me 1 janar dhe mbaron me 31 dhjetor te çdo viti.
- 28.2. Viti i pare financiar fillon ne datën e regjistrimit te shoqërisë ne Qendrën Kombëtare te Biznesit dhe përfundon me 31 dhjetor to te njëjtit vit.
- 28.3. Bilancet vjetore, raportet e Administratorit dhe nëse janë te nevojshme te ekspertit kontabël to autorizuar miratohen nga Asambleja e Përgjithshme.
- 28.4. Miratimi i dokumenteve qe lidhen me vitin financiar duhet te behet brenda 6 (gjashte) muajve qe nga fundi i vitit financiar.

### NENI 29

#### Fitimet

29.1. Fitimet qe rezultojnë nga bilanci vjetor, duke zbritur 5% (pese për qind) qe caktohen për rezervën ligjore deri ne 10% (dhjete për qind) e kapitalit themeltar, dhe duke zbritur gjithashtu te gjitha shumat de Asambleja e Përgjithshme vendos t'i vere ne dispozicion te shoqërisë, u shpërndahen ortakeve ne proporcion me pjesët e kapitalit themeltar to zotëruara respektivisht.

29.2 Asambleja e Përgjithshme mund te vendose edhe zbritje te veçanta ne favor te rezervave te jashtëzakonshme ose për qëllime to tjera apo dhe shtyrjen e shpërndarjes se fitimeve, plotësisht ose pjesërisht, për vitet financiare te ardhshme.

### NENI 30

#### Likuidimi

30.1 Ne rast prishje, Shoqëria do te likuidohet.

30.2. Për te administruar këtë procedure, Asambleja e Përgjithshme emëron një ose me shume likuidatorë, te cilët do te paraqesin raportet përfundimtare mbi gjendjen e aktivitetit dhe pasivit te Shoqërisë, mbi operacionet e likuidimit dhe mbi kohen e nevojshme për te përfunduar likuidimin.

30.3 Me përfundimin e procedurës se likuidimit, Asambleja e Përgjithshme do te vendose mbi bilancin financiar përfundimtar, mbi vlefshmërinë e punës se kryer nga likuiduesi dhe mbi përfundimin e procesit te likuidimit.

30.4. Pas pagimit te kreditorëve dhe mbledhjes se kredivë, likuidatori do ti shpërndaje te ardhurat përfundimtare te likuidimit ortakut apo ortakeve ne proporcion me pjesët e kapitalit te zotëruara prej tyre ne kapitalin themeltar.

### NENI 31

#### Dispozita te Përgjithshme

31.1. Për çështjet që nuk parashikohen në këtë statut zbatohen dispozitat e ligjit Nr. 9901 date 14.04.2008 "Për Tregtarët dhe Shoqëritë Tregtare".

31.2. Ky statut është hartuar në 4 (katër) kopje në gjuhën shqipe dhe pasi iu lexua ortakut të vetëm të shoqërisë, dhe u pranua vullnetarisht nënshkruhet prej tij.

**ORTAKET  
E SHOQËRISË ME PËRGJEGJËSI TË KUFIZUAR  
\*EMERTIMI I SHOQËRISË\***

"GJEÇAJ AL" shpk

(Emer Mbiemer)

(nenshkrimi)

Aida Gjeçaj

